

# IKAW AY PATATAWARIN AT TUTULUNGAN NG DIYOS



## Tungkol sa Diyos — Ang Ating Pag-aralan

Ang pagpapala ng Diyos ay higit kaysa pagkain.  
Pinatawad ng Diyos at pinagpala si Jacob.  
Ang Diyos ay gumawa ng paraan para ka makapunta sa langit.  
Tutulungan ka ng Diyos na magsabing, ' ikinalulungkot ko.'



Basahin mo ito sa Biblia  
Malakas na basahin nang 5 ulit

“Ako ang Panginoon. ako'y sasaiyo  
at magbabantay sa iyo saan ka man  
magtungo.” Genesis 28:13,15.

Sumagot si Jesus sa kanya: “Ako ang daan.” Juan 14:6.

### Magagawa mo ba ito?

Ilan sa mga tanong na ito'y tungkol sa nakaraang aralin.  
Sagutin ang kaya mong mga bilang.

1. Sino ang umakyat sa langit kahit di namatay? .....
2. Sino ang gumawa ng **daong**? .....
3. Sino ang pumatay sa kanyang kapatid? .....
4. Ano ang higit kaysa pagkain? .....

## Mga Sagot

1. si Enoc    2. si Noe    3. si Cain    4. pagpapala ng Diyos

Ang Pagpapala ng Diyos ay higit kaysa pagkain.

Guhitan ang mga salita mula sa ● hanggang sa ●



Ang asawa ni Isaac ay si Rebeca.  
Mahal nina Isaac at Rebeca ang Diyos.  
Sila'y pinagkalooban ng Diyos  
ng anak na kambal: si  
Esau at si Jacob.

Si Esau ay mangangaso.

Naunang ipinanganak si Esau kaysa kay Jacob.

● May karapatan siyang tumanggap  
ng tanging pagpapala mula sa Diyos. ●


Ito ang karapatan sa pagkapanganay.

● Ngunit higit na interesado sa pagkain si Esau  
kaysa mga tanging pagpapala ng Diyos. ●

Ang Diyos ay hindi mahal ni Esau. Mahal lang  
niya ang kanyang sarili. Ipinagbili ni Esau  
ang karapatan sa pagkapanganay kay Jacob sa halaga  
ng isang tasang pagkain.

Pinagsisihan ni Esau ang kanyang nagawang iyon.

Ang pagpapala ng Diyos ay higit kaysa lahat ng pagkain.



Pinatawad ng Diyos at pinagpala si Jacob

● Si Jacob ay gumawa ng di mabuting bagay sa kanyang pamilya. ●

Nagsinungaling siya sa ama at nandaya sa kapatid.

Ang karapatan ni Esau sa pagkapanganay ay binili  
ni Jacob at ninakaw ang pagpapala ni Esau.

● Subalit mahal pa rin ng Diyos si Jacob ●


Ibig patayin ni Esau si Jacob.  
Tumakas si Jacob sa malayong lugar  
para makaiwas kay Esau.  
Habang daan, ang Diyos ay nangusap  
kay Jacob sa isang panaginip.




Nakakita ng isang hagdan si Jacob.  
Ito'y mula sa langit papunta sa lupa.  
Ipinangako ng Diyos na pagpapalain si Jacob.

Masaya si Jacob nang siya'y magising.  
Mahal pa rin siya ng Diyos.  
Patatawarin ng Diyos ang nagawa niyang masama  
Sasamahan siya ng Diyos at tutulongang  
gumawa ng matuwid.  
Alam ni Jacob na kung susundin niya ang Diyos,  
siya'y dadalhin ng Diyos sa langit balang araw●

Ang Diyos ay gumawa ng paraan  
para ka makarating sa langit.  
Si Jesus ang daan patungo sa langit.  
Namatay si Jesus para iligtas ka.  
\*Sundin mo si Jesus habang nabubuhay ka  
at dadalhin ka niya sa langit.●



●Iningatan ng Diyos si Jacob.  
Si Jacob ay naging pastol.  
Marami siyang alagang tupa at kambing.  
Siya'y binigyan din ng Diyos ng isang pamilya.



## Diyos

Tinulungan ng Diyos si Jacob na magsabing,  
"Ikinalulungkot ko."

Sa wakas, sinabi ng Diyos na umuwi  
na si Jacob.


Ngunit ibig pa ring patayin ni

Esau si Jacob.

Nagsama si **Esau** ng 400 katao sa pagsalubong kay Jacob.

Ikinatungkot ni Jacob ang ginawa niya kay Esau.

Ibig ni Jacob na siya'y patawarin  
ng kanyang kapatid.



- Humingi ng tulong sa Diyos si Jacob. ●  
Pinatawad ng Diyos si Jacob at  
tinawag na Israel.

- Tinulungan ng Diyos si Jacob para ipakita  
kay Esau ang kanyang pagkalungkot. ●

Tinulungan ng Diyos si Esau para  
patawarin si Jacob.

Ang magkapatid ay naging mabuting  
magkaibigan uli.

Tutulungan ka ng Diyos na magsabing,  
"Ikinalulungkot ko."

Nalungkot ka na ba dahil sa nagawa mong di matuwid??

Maaaring mali ang ginawa mo sa isang kapwa.

Ibig mong ikaw ay patawarin at pagpalain ng Diyos.

Sabihin mo sa Diyos na ikaw ay nalulungkot.

Subalit dapat mong sabihin sa taong nasaktan mo,  
"Ikinalulungkot ko."

- Ikaw ay patatawarin at tutulungan ng Diyos. ●  
Tutulungan ka niyang makipagkaibigang  
muli sa iba.

Isaulo ang panalanging ito

Sa mga maling bagay na nagawa ko sa iba

Patawarin mo po ako, Panginoon.

Tulungan mo pong masabi ko,

"Ikinalulungkot ko."

Gawin mong kami ay maging magkaibigan  
uli ngayon.



Sagutin na ang Ulat ng Estudyante para sa Aralin 12

International Correspondence Institute

Phil. National Office, P.O. Box 1084, Manila

# IKAW AY PATATAWARIN AT TUTULUNGAN NG DIYOS

## KAWILI-WILING GAWIN

Alamin ang Sinabi ni Jacob.

May sinabi si Jacob pagkagising niya matapos managinip. Isulat sa ilalim ng bawat larawan ang katapat na titik.

A = #	N = □	Σ / O /	@ Σ □ ♥ Σ Σ Π # ÷ + □ ♥ Σ
B = ▭	O = ○		
K = ÷	P = X		
D = ♥	S = ▣	▭ # @ # / □ ~ ♥ Σ ○ ▣ # /	
G = ~	T = /		
H = @	U = +	Σ / O /	X Σ □ / + # □ □ ~
I = Σ	Y = ☾		
L = ◊			

0 # □ ~ Σ /

Sabihin sa sariling pangungusap kung paano mo nalalamang ikaw ay mahal ng Diyos.

.....

.....

.....

.....

.....

.....

.....



**Guhitan buhat sa pangalan papunta sa tamang mga salita.**

1. Si Adan      ●      ●      ang ama nina Jacob at Esau
2. Si Abram    ●      ●      ang nagbili ng pagpapala ng Diyos.
3. Si Jesus     ●      ●      ang nanaginip ng hagdang abot sa langit.
4. Si Jacob    ●      ●      ang namatay para ka maligtas.
5. Si Esau      ●      ●      ang unang tao.
6. Si Isaac    ●      ●      ang lumisan sa sariling bayan bilang pagsunod sa Diyos.
7. Si Cain     ●      ●      ang pumatay sa kanyang kapatid.
8. Ang Diyos   ●      ●      ay handang magpatawad at tumulong.

**Matutulungan mo ang iba.**

May mga kaibigan ka bang nais mag-aral nitong MAHAL KA NG DIYOS? Isulat dito ang kanilang pangalan at tirahan. Padadalhan namin sila ng mga aralin. Gumamit ng ibang papel kung kailangan.

Pangalan .....

Tirahan .....

Ginawa mo bang lahat ang nasa araling ito? .....

Isulat na malinaw ang pangalan mo .....

Marka .. ..

Bibigyan ng kaukulang antas ang iyong Papel ng Pagsusulit na ito at ibabalik sa iyo kalakip ang susunod na aralin. Ikagagalak naming tumanggap ng iyong mga liham. Isulat mo sa amin ang mga katanungang maaaring maisip mo habang pinag-aaralan mo ang kursong ito. IPADALA ITO SA:

ICI-PHILIPPINE NATIONAL OFFICE P.O. Box 1084, MANILA